



**РЕПУБЛИКА СРПСКА  
ГРАД ДОБОЈ  
ГРАДОНАЧЕЛНИК  
ГРАДСКА УПРАВА  
ОДЈЕЉЕЊЕ ЗА ПОЉОПРИВРЕДУ  
ДОБОЈ**

---

Град Добој, Хиландарска број 1, 74 000 Добој, телефон 053 242 115 факс 053 242 115 e-mail: poljoprivreda@doboj.gov.ba

**IZVJEŠTAJ**

o korištenju sredstava od naknada za  
promjenu poljoprivrednog zemljišta u nepoljoprivredne  
svrhe na području grada Doboja za 2021. godinu

**Doboj, mart 2022. godine**

## U V O D

Program korištenja sredstava od naknade za promjenu poljoprivrednog zemljišta u nepoljoprivredne svrhe na području grada Doboj za 2021. godinu je donesen sa ciljem da se sredstva prikupljena od naknada za korištenje poljoprivrednog zemljišta u nepoljoprivredne svrhe koriste blagovremeno i isključivo za zakonom predviđene namjene, što treba da rezultira poboljšanjem i trajnim čuvanjem obradivih poljoprivrednih površina, zaštitom zemljišta od neracionalnog korištenja uz istovremeno vraćanje degradiranih zemljišta prirodnoj namjeni i preduzimanja meliorativnih zahvata radi poboljšanja bonitetske strukture zemljišta.

Izvještaj je sačinjen u skladu sa Programom korištenja sredstava od naknada za promjenu poljoprivrednog zemljišta u nepoljoprivredne svrhe na području grada Doboja za 2021. godinu.

### **NAMJENA I NAČIN KORIŠTENJA SREDSTAVA OD NAKNADA ZA PRETVARANJE POLJOPRIVREDNOG ZEMLJIŠTA U NEPOLJOPRIVREDNE SVRHE**

Zakonom o poljoprivrednom zemljištu je regulisano da se sredstva od naknade za pretvaranje poljoprivrednog zemljišta u nepoljoprivredne svrhe usmjeravaju 30% u budžet RS i 70% u budžet opštine.

Shodno odredbama člana 35. stav 2. Zakona o poljoprivrednom zemljištu navedena sredstva se koriste samo za:

- izradu Osnova zaštite, uređenja i korištenja poljoprivrednog zemljišta,
- osposobljavanje i uređenje poljoprivrednih zemljišta koja su degradirana, zapuštena, lošijeg kvaliteta ili su neplodna,
- za popravku i poboljšanje plodnosti zemljišta,
- za sprovođenje protiverozionih mjera ili melioracije poljoprivrednog zemljišta slabijeg kvaliteta,
- za sprovođenje postupka komasacije.

Na osnovu praćenja dinamike naplate po osnovu naknade za pretvaranje poljoprivrednog zemljišta u nepoljoprivredne svrhe, prikupljena su sredstva u iznosu od 199.204,00 KM .

Programom je bilo predviđeno da prioritet u finansiranju imaju sljedeći radovi:

1. osposobljavanje i uređenje poljoprivrednih zemljišta koja su degradirana, zapuštena, koja su lošijeg kvaliteta ili su neplodna,
2. popravku i poboljšanje plodnosti zemljišta,
3. nabavka opreme koja podržava GIS softver, odnosno omogućava korištenje dobijene baze podataka,
4. za sprovođenje protiverozionih mjera ili melioracije poljoprivrednog zemljišta slabijeg kvaliteta.

Sredstva su namjenski utrošena u skladu sa Programom o korištenju sredstava od naknada za promjenu poljoprivrednog zemljišta u nepoljoprivredne svrhe na području grada Doboja za 2021. godinu za finasiranje sljedećih aktivnosti:

1. Izvođenje radova na sanaciji klizišta na putu u Kladarima, dionica groblje-auto put u iznosu od 6.786,00 KM,
2. Izvođenje radova na sanaciji klizišta na putu u Opsinama, u iznosu od 6.730,00 KM,
3. Sanacija klizišta u MZ Lipac, u iznosu od 5.406,86 KM.

Sredstva prikupljena po osnovu naknade za korištenje poljoprivrednog zemljišta u nepoljoprivredne svrhe u toku 2020. godine nisu realizovana u potpunosti kako je to definisano Programom za 2021. godinu, te će preostali dio sredstava u iznosu od 180.281,00 KM, biti iskorišten za finasiranje realizacije planiranih programskih aktivnosti u tekućoj godini.

**OBRADIVAČ:**

**ODJELJENJE ZA POLJOPRIVREDU**

**PREDLAGAČ:**

**GRADONAČELNIK**